

Osman Solak, geod. inž.



Sa velikom tugom primili smo vijest da je geodetsku struku, a prije svega kolege i uposlenike općine Bugojno, zauvijek napustio kolega Osman.

Solak (Rame) Osman rođen je 23.10.1939. godine u Glamoču, gdje završava osnovnu školu.

Srednju geodetsku školu, a potom i Višu geodetsku školu pohađao je u Sarajevu. Diplomirao je na Višoj geodetskoj školi u Sarajevu 1968. godine, čime je stekao zvanje geodetskog inženjera. Radio je u preduzeću "Šipad - Šator" u Glamoču sve do 1977. godine, kada stupa u radni odnos u Općinskoj geodetskoj upravi Općine Bugojno kao referent za obnovu i održavanje premjera zemljišta i katastra vodova.

Živio je sa majkom Đulom, a bratične Meliha i Mirsala bile su njegova radost. Kao veliki poznavalac i ljubitelj prirode volio je rad na terenu, a u kancelariji je svojim anegdotama s terena znao nasmijati radni kolektiv.

Nakon kratke bolesti Osman je preminuo u aprilu 1999. godine .

Solak Osman je svojim zalaganjem u periodu ratnih dejstava uspješno sačuvao planove i katastarski operat Općine Bugojno. Profesionalnim odnosom prema poslu sačuvao je ugled katastra Bugojno, a svojom kolegijalnošću i odanosti svom pozivu bio je i ostat će uzor svim mlađim kolegama.

Emina Duvnjak